

# 佛说业报差别经

## 佛说父母恩重难报经



# 佛说业报差别经

隋洋川郡守瞿昙法智译

如是我闻：

一时，佛住舍卫国、祇树给孤独园。

尔时，佛告切提耶子首迦长者言：「首迦长者，我当为汝说善恶业报差别法门；汝当谛听，善思念之！」

是时，首迦即白佛言：「唯然，世尊，愿乐欲闻。」

佛告首迦：「一切众生，系属于业，依止于业，随自业转。以是因缘，有上中下差别不同：或有业能令众生得短命报，或有业能令从生得长命报；或有业能令从生得多病报，或有业能令众生得少病报；或有业能令众生得丑陋报，或有业能令众生得端正报；或有业能令众生得小威势报，或有业能令众生得大威势报；或有业能令众生得下族姓报，或有业能令众生得上族姓报；或有业能令众生得少资生报，或有业能令众生得多资生报；或有业能令众生得邪智报，或有业能令众生得正智报；或有业能令众生得地狱报；或有业能令众生得畜生报；或有业能令众生得饿鬼报；或有业能令众生得阿修罗报；或有业能令众生得人趣报；或有业能令众生得欲天报；或有业能令众生得色天报；或有业能令众生得无色天报；或有业能令众生得决定报；或有业能令众生得不定报；或有业能令众生得边地报，或有业能令众生得中国报；或有业能令众生尽地狱寿，或有业能令众生半地狱寿，或有业能令众生暂入即出；或有业作而不集，或有业集而不作；或有业亦作亦集，或有业不作不集；或有业能

令众生初乐后苦，或有业能令众生初苦后乐；或有业能令众生初苦后苦，或有业能令众生初乐后乐；或有业能令众生贫而乐施，或有业能令众生富而慳贪；或有业能令众生富而能施，或有业能令众生贫而慳贪；或有业能令众生得身乐而心不乐，或有业能令众生得心乐而身不乐；或有业能令众生得身心俱乐，或有业能令众生得身心俱不乐；或有业能令众生命虽尽而业不尽，或有业能令众生业虽尽而命不尽；或有业能令众生业命俱尽，或有业能令众生业命俱不尽，能断诸烦恼；或有业能令众生生于善道，形容殊妙，眼目端严，肤体光泽，人所乐见；或有业能令众生生于恶道，形容丑陋，肤体鹿涩，人不喜见；或有业能令众生生于恶道，身口臭秽，诸根残缺；或有众生习行十不善业，得外恶报；或有众生习行十种善业，得外胜报。

【复次，长者，若有众生礼佛塔庙，得十种功德；奉施宝盖，得十种功德；奉施缯幡，得十种功德；奉施钟铃，得十种功德；奉施衣服，得十种功德；奉施器皿，得十种功德；奉施饮食，得十种功德；奉施靴履，得十种功德；奉施香华，得十种功德；奉施灯明，得十种功德；恭敬合掌，得十种功德；是名略说世间诸业差别法门。】

佛告首迦：「有十种业能令众生得短命报：一者、自行杀生；二者、劝他令杀；三者、赞叹杀法；四者、见杀随喜；五者、于恶憎所，欲令丧灭；六者、见怨灭已、心生欢喜；七者、坏他胎藏；八者、教人毁坏；九者、建立天寺，屠杀众生；十者、教人战斗，互相残害；以是十业，得短命报。」

【复有十业能令众生得长命报：一者、自不杀生；二者、劝他不杀；三者、赞叹不杀；四者、见他不杀，心生观喜；五者、见

彼杀者，方便救免；六者、见死怖者，安慰其心；七者、见恐怖者，施与无畏；八者、见诸患苦之人，起慈愍心；九者、见诸急难之人，起大悲心；十者、以诸饮食，惠施众生：以是十业，得长命报。

【复有十业能令众生得多病报：一者、好喜打拍一切众生；二者、劝他令打；三者、赞叹打法；四者、见打欢喜；五者、恼乱父母，令心忧恼；六者、恼乱贤圣；七者、见怨病苦，心大欢喜；八者、见怨病愈，心生不乐；九者、于怨病所，与非治药；十者、宿食不消，而复更食：以是十业，得多病报。

【复有十业能令众生得少病报：一者、不喜打拍一切众生；二者、劝他不打；三者、赞不打法；四者、见不打者，心生欢喜；五者、供养父母及诸病人；六者、见贤圣病，瞻视供养；七者、见怨病愈，心生欢喜；八者、见病苦者，施与良药，亦劝他施；九者、于病苦众生，起慈愍心；十者、于诸饮食，能自节量：以是十业，得少病报。

【复有十业能令众生得丑陋报：一者、好行忿怒；二者、好怀嫌恨；三者、逛惑于他；四者、恼乱众生；五者、于父母所，无爱敬心；六者、于贤圣所，不生恭敬；七者、侵夺贤圣资生田业；八者、于佛塔庙，断灭灯明；九者、见丑陋者，毁谤轻贱；十者、习诸恶行：以是十业，得丑陋报。

【复有十业能令众生得端正报：一者、不瞋；二者、施衣；三者、爱敬父母；四者、尊重贤圣；五者、涂饰佛塔；六者、扫洒堂宇；七者、扫洒僧地；八者、扫洒佛塔；九者、见丑陋者，不生轻贱，起恭敬心；十者、见端正者，晓悟宿因：以是十业，得端正报。

【复有十业能令众生得小威势报：一者、于诸众生，起嫉妒心；二者、见他得利，心生恼热；三者、见他失利，其心欢喜；四者、于他名誉，起嫉恶心；五者、见失名誉，心大忻悦；六者、退菩提心，毁佛形象；七者、于已父母及贤圣所，无心奉待；八者、劝人修习少威德业；九者、障他修行大威德业；十者、见少威德者，心生轻贱；以是十业，得少威势报。

【复有十业能令众生得大威势服：一者、于诸众生，心无嫉妒；二者、见他得利，心生欢喜；三者、见他失利，起怜悯心；四者、于他名誉，心生忻悦；五者、见失名誉，助怀忧恼；六者、发菩提心，造佛形象，奉施宝盖；七者、于已父母及贤圣所，恭敬奉迎；八者、劝人弃舍少威德业；九者、劝人修行大威德业；十者、见无威德，不生轻贱；以是十业，得大威势报。

【复有十业能令众生得下族姓报：一者、不知敬父；二者、不知敬母；三者、不知敬沙门；四者、不知敬婆罗门；五者、于诸尊长，而不敬仰；六者、于诸师长，不奉迎供养；七者、见诸尊长，不迎逆请坐；八者、于父母所，不遵教诲；九者、于贤圣所，亦不受教；十者、轻蔑下族；以是十业，得下族姓报。

【复有十业能令众生得上族姓报：一者、善知敬父；二者、善知敬母；三者、善知敬沙门；四者、善知敬婆罗门；五者、敬护尊长；六者、奉迎师长；七者、见诸尊长，迎逆请坐；八者、于父母所，敬受教诲；九者、于贤圣所，尊敬受教；十者、不轻下族；以是十业，得上族姓报。

【复有十业能令众生得少资生报：一者、自行偷盗；二者、劝他偷盗；三者、赞叹偷盗；四者、见盗欢喜；五者、于父母所，减撤生业；六者、于贤圣所，侵夺资财；七者、见他得利，心不欢

喜；八者、障他得利，为作留难；九者、见他行施，无随喜心；十者、见世饥馑，心不怜愍而生欢喜；以是十业，得少资生报。

【复有十业能令众生得多资生报：一者、自离偷盗；二者、劝他不盗；三者、赞叹不盗；四者、见他盗，心生欢喜；五者、于父母所，供奉生业；六者、于诸贤圣，给施所需；七者、见他得利，收生欢喜；八者、见求利者，方便佐助；九者、见乐施者，生心忻悦；十者、见世饥馑，心生怜愍；以是十业，得多资生报。

【复有十业能令众生得邪智报：一者、不能咨问智慧沙门、婆罗门；二者、显说恶法；三者、不能受持修习正法；四者、赞非定法以为定法；五者、吝法不说；六者、亲近邪智；七者、远离正智；八者、赞叹邪见；九者、弃舍正见；十者、见痴恶人，轻贱毁谤；以是十业，得邪智报。

【复有十业能令众生得正智报：一者、善能咨问智慧沙门、婆罗门；二者、显说善法；三者、闻持正法；四者、见说定法，叹言善哉；五者、乐说正法；六者、亲近正智人；七者、摄护正法；八者、勤修多闻；九者、远离邪见；十者、见痴恶人，不生轻贱；以是十业，得正智报。

【复有十业能令众生得地狱报：一者、身行重恶业；二者、口行重恶业；三者、意行重恶业；四者、起于断见；五者、起于常见；六者、起于无因见；七者、起于无作见；八者、起于无见；九者、起于边见；十者、不知恩报；以是十业，得地狱报。

【复有十业能令众生得畜生报：一者、身行中恶业；二者、口行中恶业；三者、意行中恶业；四者、从贪烦恼起诸恶业；五者、从瞋烦恼起诸恶业；六者、从痴烦恼起诸恶业；七者、毁骂众生；八者、恼害众生；九者、施不净物；十者、行于邪淫；以是

十业，得畜生报。

〔复有十业能令众生得饿鬼报：一者、身行轻恶业；二者、口行轻恶业；三者、意行轻恶业；四者、起于多贪；五者、起于恶贪；六者、嫉妒；七者、邪见；八者、爱著资生，即便命终；九者、因饥而亡；十者、枯竭而死；以是十业，得饿鬼报。

〔复有十业能令众生得阿修罗报：一者、身行微恶业；二者、口行微恶业；三者、意行微恶业；四者、骄慢；五者、我慢；六者、增上慢；七者、大慢；八者、邪慢；九者、慢慢；十者、回诸善根，向修罗趣；以是十业，得阿修罗报。

〔复有十业能令众生得人趣报：一者、不杀；二者、不盗；三者、不邪淫；四者、不妄语；五者、不绮语；六者、不两舌；七者、不恶口；八者、不贪；九者、不瞋；十者、不邪见；于十善业，缺漏不全；以是十业，得人趣报。

〔复有十业能令众生得欲天报：所谓具足修行增上十善。

〔复有十业能令众生得色天报：所谓修行有漏十善，与定相应。

〔复有四业能令众生得无色天报：一者、过一切色想、灭有对想等，入于空处定；二者、过一切空处定，入识处定；三者、过一切识处定，入无所有处定；四者、过无所有处定，入非想、非非想处定；以是四业，得无色天报。

〔复有业能令众生得决定报业。若人于佛、法、僧、及持戒人所，以增上心施，以此善业，发愿回向，即得往生；是名决定报业。

〔复有业能令众生得不定报业。若业非增上心作，更不修习，又不发愿回向受生；是名不定报业。

「复有业能令众生得边地报者。若业于佛、法、僧、净持戒人、及大众所，不增上心施，以此善根，愿生边地，以是愿故，即生边地，受净不净报。

「复有业能令众生得中国报者。若作业时，于佛、法、僧、清静持戒梵行人边、及大众所，起于增上，殷重布施，以是善极，决定发愿求生中国，还得值佛，及闻正法，受于上妙清净果报。

「复有业能令众生尽地狱寿者。若有众生造地狱业已，无惭无愧而不厌离，心无怖畏反生欢喜，又不忏悔而复更造重增恶业，如提婆达多等，以是业故，尽地狱寿。

「复有业能令众生堕于地狱，至半而夭，不尽其寿。若有众生造地狱业，积集成已，后生怖畏，惭愧厌离，忏悔弃舍，非增上心，以是业故，堕于地狱，后追悔故，，地狱半夭，不尽其寿。

「复有业能令众生堕于地狱，暂入即出。若有众生造地狱业，作已怖畏，起增上信，生惭愧心，厌恶弃舍，殷重忏悔，更不重造，如阿闍世王杀父等罪，暂入地狱，即得解脱。」

于是，世尊即说偈言：

「若人造重罪，作已深自责，  
忏悔更不造，能拔根本业。

「复有业作而不集。若有众生，身、口、意等造诸恶业，造已怖畏，惭愧远离，深自悔责，更不重造：是名作而不集。

「复有业集而不作。若有众生，自不作业，以恶心故，劝人行恶：是名集而不作。

「复有业亦作亦集。若有众生，造诸业已，心无改悔而复



数造，亦劝他人；是名亦作亦集。

【复有业不作不集。若有众生，自不造业，亦不教他，无记业等；是名不作不集。

【复有业初乐后苦。若有众生，为人所劝，欢喜行施，施心不坚，后还追悔；以是因缘生在人间，先虽富乐，后还贫苦；是名先乐后苦。

【复有业初苦后乐。若有众生，为人劝导，挽仰少施，施已欢喜，心无吝悔；以是因缘生在人间，初时贫苦，后还富乐；是名初苦后乐。

【复有业初苦后苦。若有众生，离善知识，无人劝导，乃至不能少行惠施；以是因缘生在人间，初时贫苦，后亦贫苦；是名初苦后苦。

【复有业初乐后乐。若有众生，近善知识，劝令行施，便生欢喜，坚修施业；以是因缘生在人间，初时富乐，后亦富乐。

【复有业贫而乐施。若有众生，先曾行施，不遇福田，流转生死，在于人道，以不遇福田故，果报微劣，随得随尽，以习施故，虽处贫穷而能行施。

【复有业富而慳贪。若有众生，未曾布施，遇善知识，暂行一施，值良福田，以田胜故，资生具足，先不习故，虽富而慳。

【复有业富而能施。若有众生，值善知识，多修施业，遇良福田，以是因缘，巨富饶财，而能行施。

【复有业贫而慳贪。若有众生，离善知识，无人劝导，不能行施，以是因缘，生在贫穷，而复慳贪。

【复有业能令众生得身乐而心不乐，如有福凡夫。

【复有业能令众生得心乐而身不乐，如无福罗汉。

【复有业能令众生得身心俱乐。如有福罗汉。

【复有业能令众生得身心俱不乐，如无福凡夫。

【复有业能令众生命尽而业不尽。若有众生，从地狱死，还生地狱，畜生、饿鬼，乃至人、天、阿修罗等亦复如是；是名命尽而业不尽。

【复有业能令众生业尽而命不尽。若有众生，乐尽受苦，苦尽受乐等；是名业尽而命不尽。

【复有业能令众生业命俱尽。若有众生，从地狱灭，生于畜生，及以饿鬼，乃至人、天、阿修罗等；是名业命俱尽。

【复有业能令众生业命俱不尽。若有众生，尽诸烦恼，所谓须陀洹、斯陀含、阿那含、阿罗汉等；是名业命俱不尽。

【复有业能令众生虽生恶道，形容殊妙，眼目端严，肤体光泽，人所乐见。若生众生，因欲烦恼起破戒业，以是因缘，虽生恶道，形容殊妙，眼目端严，肤体光泽，人所乐见。

【复有业能令众生生于恶道，形容丑陋，肤体麁涩，人不喜见。若有众生，从瞋烦恼起破戒业，以是因缘，生于恶道，形容丑陋，肤体麁涩，人不喜见。

【复有业能令众生生于恶道，身口臭秽，诸根残缺。若有众生，从痴烦恼起破戒业，以是因缘，生于恶道，身口臭秽，诸根残缺。

【复有十业得外恶报。若有众生，于十不善业多修习故，感诸外物，悉不具足：一者、以杀业故，令诸外报，大地咸卤，药草无力；二者、以盗业故感外，霜、雹、蚤、蝗虫等，令世饥馑；三者、邪淫业故，感恶风雨及诸尘埃；四者、妄语业故，感生外物，皆悉臭秽；五者、两舌业故感外，大地高下不平，峻崖山险谷，株

机槎菜；六者、恶口业故，感生外报，瓦石沙砾，鹿涩恶物，不可触近；七者、绮语业故，感生外报，令草木稠林，枝条棘刺；八者、以贪业故，感生外报，令诸苗稼子实微细；九者、以瞋业故，感生外报，令诸树木果实苦涩；十者、以邪见业故，感生外报，苗稼不实，收获甚少；以是十业，得外恶报。

【复有十业得外胜报。若有众生，修十善业，与上相违，当知即获十外胜报。

【若有众生礼佛塔庙，得十种功德：一者、得妙色好声；二者、有所发言，人皆信伏；三者、处众无畏；四者、天人爱护；五者、具足威势；六者、威势众生皆来亲附；七者、常得亲近诸佛菩萨；八者、具大福报；九者、命终生天；十者、速证涅槃；是名礼佛塔庙，得十种功德。

【若有众生奉施宝盖，得十种功德：一者处世如盖，覆护众生；二者、身心安隐，离诸热恼；三者、一切敬重，无敢轻慢；四者、有大威势；五者、常得亲近诸佛菩萨，大威德者以为眷属；六者、恒作转轮圣王；七者、恒为上首，修习善业；八者、具大福报；九者、命终生天；十者、速证涅槃；是名奉施宝盖，得十种功德。

【若有众生奉施缯幡，得十种功德：一者、处世如幢，国王、大臣、亲友、知识，恭敬供养；二者、豪富自在，具大财宝；三者、善名流布，遍至诸方；四者、形貌端严，寿命长远；五者、常于生处，施行坚固；六者、有大名称；七者、有大威德；八者、生在上族；九者、身坏命终，生于天上；十者、速证涅槃；是名奉施缯幡，得十种功德。

【若有众生奉施钟铃，得十种功德：一者、得梵音声；二者、

有大名闻；三者、自识宿命；四者、所有出言，人皆敬受；五者、常有宝盖，以自庄严；六者、有妙瓔珞，以为服饰；七者、面貌端严，见者欢喜；八者、具大福报；九者、命终生天；十者、速证涅槃；是名奉施钟铃，得十种功德。

〔若有众生奉施衣服，得十种功德：一者、面目端严；二者、肌肤细滑；三者、尘垢不著；四者、生便具足上妙衣服；五者、微妙卧具覆盖其身；六者、具惭愧服；七者、见者敬爱；八者、具大财宝；九者、命终生天；十者、速证涅槃；是名奉施衣服，得十种功德。

〔若有众生奉施器皿，得十种功德：一者、处世如器；二者、得善法律泽；三者、离诸渴爱；四者、若渴思水，流泉涌出；五者、终不生于饿鬼道中；六者、得天妙器；七者、远离不恶友；八者、具大福报；九者、命终生天；十者、速证涅槃；是名奉施器皿，得十种功德。

〔若有众生奉施饮食，得十种功德：一者、得命；二者、得色；三者、得力；四者、获得安无碍辩；五者、得无所畏；六者、无诸懈怠，为众敬仰；七者、众人爱乐；八者、具大福报；九者命终生天；十者、速证涅槃；是名奉施饮食，得十种功德。

〔若有众生奉施靴履，得十种功德：一者、具足妙乘；二者、足下安平；三者、足趺柔软；四者、远涉轻健；五者、身无疲极；六者、所行之处，不为荆棘、瓦砾损坏其足；七者、得神通力；八者、具诸给使；九者、命终生天；十者、速证涅槃；是名奉施靴履，得十种功德。

〔若有众生奉施香华，得十种功德：一者、处世如花；二者、身无臭秽；三者、福香、戒香遍诸方所；四者、随所生处，鼻

根不坏；五者、超胜世间，为众归仰；六者、身常香洁；七者、爱乐正法，受持读诵；八者、具大福报；九者、命终生天；十者、速证涅槃；是名奉施香花，得十种功德。

〔若有众生奉施灯明，得十种功德：一者、照世如灯；二者、随所生处，肉眼不坏；三者、得于天眼；四者、于善恶法得善智慧；五者、除灭大暗；六者、得智慧明；七者、流转世间，常不在于黑闇之处；八者、具大福报；九者、命终生天；十者、速证涅槃；是名奉施灯明，得十种功德。〕

〔若有众生恭敬合掌，得十种功德：一者、得胜福报；二者、生于上族；三者、得胜妙色；四者、得胜妙声；五者、得胜妙盖；六者、得胜妙辩；七者、得胜妙信；八者、得胜妙戒；九者、得胜妙多闻；十者、得胜妙智；是名恭敬合掌，得十种功德。〕

尔时，世尊说此法已，首迦长者于如来所，得净信心。

尔时，首迦头面礼佛，作如是言：「我今请佛往舍婆提城，到我父所切提长者家，愿令我父及一切众生长夜安乐。」

尔时，世尊为利益故，默然受请。

尔时，首迦闻佛所说，心大欢喜，顶礼而退。

佛说业报差别经

## 回 向

愿以此印经所得一切善根为主和三世中所造一切善根。

回向给法界一切有情众生，愿迅速出离轮回，皆共成就大菩提，获得大圆满佛果。

一学藏密密法众生

# 发 愿 文

皈命十方佛 圣众	顶礼三宝尊	阿难陀尊者	护法诸
我今发宏愿 途苦	持诵报恩经	上报四重恩	下济三
并愿众先灵 切苦	饿鬼与孤魂	咸皆获超生	脱离一
速发菩提心 净土	早得智慧果	得成无上道	共同生

## 南无报恩德菩萨摩訶萨<sub>三称</sub>

开 经 偈

无上甚深微妙法	百千万劫难遭遇
我今见闻得受持	愿解如来真实义

## 佛说父母恩重难报经

姚秦三藏法师鸠摩罗什 奉诏译

如是我闻：

一时，佛在舍卫国祇树给孤独园，与大比丘二千五百人，

菩萨摩訶萨三万八千人俱。

尔时，世尊引领大众，直往南行，忽见路边聚骨一堆。尔时，如来向彼枯骨，五体投地，恭敬礼拜。

阿难合掌白言：「世尊！如来是三界大师，四生慈父，众人归敬，以何因缘，礼拜枯骨？」

佛告阿难：「汝等虽是吾上首弟子，出家日久，知事未广。此一堆枯骨，或是我前世祖先，多生父母。以是因缘，我今礼拜。」佛告阿难：「汝今将此一堆枯骨分作二分，若是男骨，色白且重；若是女骨，色黑且轻。」

阿难白言：「世尊，男人在世，衫带鞋帽，装束严好，一望知为男子之身。女人在世，多涂脂粉，或薰兰麝，如是装饰，即得知是女流之身。而今死后，白骨一般，教弟子等，如何认得？」

佛告阿难：「若是男子，在世之时，入于伽蓝，听讲经律，礼拜三宝，念佛名号；所以其骨，色白且重。世间女人，短于智力，易溺于情，生男育女，认为天职；每生一孩，赖乳养命，乳由血变，每孩饮母八斛四斗甚多白乳，所以憔悴，骨现黑色，其量亦轻。」

阿难闻语，痛割于心，垂泪悲泣，白言：「世尊！母之恩德，云何报答？」

佛告阿难：「汝今谛听，我为汝，分别解说：

「母胎怀子，凡经十月，甚为辛苦。在母胎时，第一月中，如草上珠，朝不保暮，晨聚将来，午消散去。母怀胎时，第二月中，恰如凝酥。母怀胎时，第三月中，犹如凝血。母怀胎时，第四月中，稍作人形。母怀胎时，第五月中，儿在母腹，生有五胞。何者为五？头为一胞，两肘两膝，各为一胞，共成五胞。」

母怀胎时，第六月中，儿在母腹，六精齐开。何者为六？眼为一精，耳为二精，鼻为三精，口为四精，舌为五精，意为六精。母怀胎时，第七月中，儿在母腹，生成骨节，三百六十，及生毛孔，八万四千。母怀胎时，第八月中，出生意智，以及九窍。母怀胎时，第九月中，儿在母腹中，吸收食物，所出各质、桃梨蔬果、五谷精华。其母身中，生脏向下，熟脏向上，喻如地面。有山耸出，山有三名，一号须弥，二号业山，三号血山。此设喻山，一度崩来，化为一条，母血凝成胎儿食料。母怀胎时，第十月中，孩儿全体一一完成，方乃降生。若是决为孝顺之子，擎拳合掌，安祥出生，不损伤母，母无所苦。倘儿决为五逆之子，破损母胎，扯母心肝，踏母跨骨，如千刀搅，又仿佛似万刀攒心。

「如斯重苦，出生此儿，更分晰言，尚有十恩：第一、怀胎守护恩；第二、临产受苦恩；第三、生子忘忧恩；第四、咽苦吐甘恩；第五、回干就湿恩；第六、哺乳养育恩；第七、洗濯不净恩；第八、远行忆念恩；第九、深加体恤恩；第十、究竟怜悯恩。

**第一、怀胎守护恩 颂曰：**

累劫因缘重，今来托母胎；月逾生五脏，七七六精开。体重如山岳，动止劫风灾；罗衣都不挂，妆镜惹尘埃。

**第二、临产受苦恩 颂曰：**

怀经十个月，难产将欲临，朝朝如重病，日日似昏沈；难将惶怖述，愁泪满胸襟，含悲告亲族，惟惧死来侵。

**第三、生子忘忧恩 颂曰：**

慈母生儿日，五脏总开张，身心俱闷绝，血流似屠羊；生已闻儿健，欢喜倍加常，喜定悲还至，痛苦彻心肠。



**第四、咽苦吐甘恩 颂曰：**

父母恩深重，顾怜没失时，吐甘无稍息，咽苦不皱眉；爱重情难忍，恩深复倍悲，但令孩儿饱，慈母不辞饥。

**第五、回干就湿恩 颂曰：**

母愿身投湿，将儿移就干；两乳充饥渴，罗袖掩风寒。恩怜恒废枕，宠弄才能欢；但令孩儿稳，慈母不求安。

**第六、哺乳养育恩 颂曰：**

慈母象大地，严父配于天，覆载恩同等，父娘恩亦然。不惜无怒目，不嫌手足挛，腹诞亲生子，终日惜兼怜。

**第七、洗濯不净恩 颂曰：**

本是芙蓉质，精神健且丰，眉分新柳碧，脸色夺莲红；恩深摧玉貌，洗濯损盘龙，只为怜男女，慈母改面容。

**第八、远行思念恩 颂曰：**

死别诚难忍，生离实亦伤，子出关山外，母忆在他乡；日夜心相随，流泪数千行，如猿泣爱子，寸寸断肝肠。

**第九、深加体恤恩 颂曰：**

父母恩情重，恩深报实难，子苦愿代受，儿劳母不安；闻道远行去，怜儿夜卧寒，男女暂辛苦，长使母心酸。

**第十、究竟怜悯恩 颂曰：**

父母恩深重，恩怜无歇时，起坐心相逐，迩遥意与随。母年一百岁，常忧八十儿；欲知恩爱断，命尽始分离。

佛告阿难：「我观众生，虽绍人品，心行遇蒙，不思爹娘，有大恩德，不生恭敬，忘恩背义，无有仁慈，不孝不顺。阿娘怀子，十月之中，起坐不安，如擎重担，饮食不下，如长病人。月满生时，受诸痛苦，须臾产出，恐已无常，如杀猪羊，血流遍地。」